





通典卷第六

食貨六

賦稅下

大唐武德元年詔曰宗緒之情義越常品宜加惠澤以明等級諸宗姓有官者宜在同列之上未有職任者不在徭役之限二年制每一丁租二石若嶺南諸州則稅米上戶一石二斗次戶八斗下戶六斗若夷獠之戶皆從半輸蕃人內附者上戶丁稅錢十文次戶五文下戶免之附經二年者上戶丁輸羊二口次戶一口下戶三口共一口凡水旱蟲霜為災十分損四分以上免租損六分以上免租調損七分以上課役

俱免六年三月令天下戶量其資產定為三等至九年三月
詔天下戶立三等未盡升降宜為九等貞觀二年四月戶部
尚書韓仲良奏王公以下墾田畝納二升其粟麥稻之屬各
依土地貯之州縣以備凶年末徵五年二月勅二年一定戶
龍朔三年秋七月制衛士八等以下每年五十八放令出軍
仍免庸調武太后長安元年十月詔天下諸州王公以下宜
准往例稅戶至大曆四年正月制下一例加稅其見任官一
品至于九品同上至下下戶等級之數并寄
田寄莊及前資勳蔭寄住家一切並稅蓋近如晉宋土斷之
類也上上戶四千每等減五百至下中七百下下戶至於五
百開元八年二月制曰頃者以庸調無憑好惡須准故遣作
樣以頒諸州令其好不得過精惡不得至濫任土作貢防源

斯在諸州送物作巧生端苟欲副於斤兩遂則加其丈尺有
至五丈為疋者理甚不然濶尺八寸長四丈同文共軌其事
久行立樣之時已載此數若求兩而加尺甚暮四而朝三宜
令所司簡閱有踰於比年常例尺丈過多者奏聞二十二年
五月勅定戶之時百姓非商戶郭外居宅及每丁一牛不得
將入貨財數其雜匠及募士并諸色同類有蕃役合免征行
者一戶之內四丁以上任此免役不得過兩人三丁以上不
得過一人二十五年定令諸課戶一丁租調准武德二年之
制其調絹絕布並隨鄉土所出絹絕各二丈布則二丈五尺
輸絹絕者綿三兩輸布者麻三斤其絹絕為疋布為端綿為



原件短缺

屯麻為綬若當戶不成疋端屯綬者皆隨近合成其調麻每
年支料有餘折一斤輸粟一斗與租同受其江南諸州租並
迴造納布准令布帛皆闊尺八寸長四丈為疋布五丈為綬諸丁
匠不役者收庸無絹之鄉絕布三尺絕絹各三尺布則三尺七寸五分三月
勅關內諸州庸調資課並宜准時價變粟取米送至京遂要
支用其路遠處不可運送者宜所在收貯便充隨近軍糧其
河北河南有不通水利宜折租造絹以代關中調課天寶元
年正月赦文如聞百姓之內有戶高丁多苟為規避父母見
在乃別籍異居宜令州縣勘會一家之中有十丁以上者放
兩丁征行賦役五丁以上者放一丁即令同籍共居以敦風

公同之輩

夏諸任官應免課役者皆待蠲符至然後注免符雖未至驗
告身灼然實者亦免其雜任被解應附者皆依本司解時日
月據徵諸春季附者課役並徵夏季附者免課從役秋季附
者俱免其詐冒隱避以免課役不限附之早晚皆徵當發年
課役逃亡者附亦同之諸人居狹鄉樂遷就寬鄉者去本居
千里外復三年五百里外復二年三百里外復一年一遷之
後不復更移諸沒落外蕃得還者一年以上復三年二年以
上復四年三年以上復五年外蕃之人投化者復十年諸部
曲奴婢放附戶貫復三年諸孝子順孫義夫節婦志行聞於

屯麻為綬若當戶不成疋端屯綬者皆隨近合成其調麻每
年支料有餘折一斤輸粟一斗與租同受其江南諸州租並

迴造納布

准令布帛皆闊尺八寸長四丈為疋布五丈為端
為端綿六兩為屯絲五兩為絢麻三斤為綬諸丁

匠不役者收庸無絹之鄉絕布三尺

絕絹各三尺布則三尺七寸五分

三月

勅關內諸州庸調資課並宜准時價變粟取米送至京遂要
支用其路遠處不可運送者宜所在收貯便充隨近軍糧其
河北河南有不通水利宜折租造絹以代關中調課天寶元
年正月赦文如聞百姓之內有戶高丁多苟為規避父母見
在乃別籍異居宜令州縣勘會一家之中有十丁以上者放

兵居以敦風

遠州有夷獠雜類之所應輸課役者隨事斟酌量不必同之準
夏諸任官應免課役者皆待蠲符至然後注免符雖未至驗
告身灼然實者亦免其雜任被解應附者皆依本司解時日
月據徵諸春附者課役並徵夏附者免課從役秋季附
者俱免其詐冒隱避以免課役不限附之早晚皆徵當發年
課役逃亡者附亦同之諸人居狹鄉樂遷就寬鄉者去本居
千里外復三年五百里外復二年三百里外復一年一遷之
後不復更移諸沒落外蕃得還者一年以上復三年二年以
上復四年三年以上復五年外蕃之人投化者復十年諸部
曲奴婢放附戶貫復三年諸孝子順孫義夫節婦志行聞於

鄉閭者申尚書省奏聞表其門閭同籍悉免課役諸丁匠歲役工二十日有閏之年加二日須留役者滿十五日免調三十日租調俱免從日少者見通正役並不過五十日正役謂

庸天寶三年制每歲庸調徵收延至九月三十日五年制天下百姓單貧交不存濟者租庸每鄉通放三十丁其年五月

停郡縣官日直課錢但計數多少同料錢加稅充用即應差

丁充日直并停按天寶中天下計帳戶約有八百九十餘萬

其稅錢約得二百餘萬貫大約高等少下等多今一例為八

百五十二九等戶則二百二十二今通以二百五十為率自

七載至十四載六七年間與此大數或多或少加減不同所以

言約他其地稅約得千二百四十餘萬石
兩漢每戶所墾田
皆類此
不過七十畝今亦

准此約課丁八百二十餘萬其庸調租等約出絲綿郡縣計

三百七十餘萬丁庸調輸絹約七百四十餘萬疋每丁計綿

則百八十五萬餘屯每丁三兩六兩為屯租粟則七百四十

餘萬石每丁約出布郡縣計四百五十餘萬丁庸調輸布約

千三十五萬餘端每丁兩端一丈五尺其租約百九十餘萬

丁江南郡縣折納布約五百七十餘萬端大約八等以下戶

丁三端一丈九等則二端二百六十餘萬丁江北郡縣納粟

約五百二十餘萬石大凡都計租稅庸調每歲錢粟絹綿布

約得五千二百二十餘萬端疋屯貫石諸色資課及勾剝所

獲不在其中據天寶中度支每歲所入端屯疋貫石都五千

馮翊郡 貢白裏皺文皮二 今同州

扶風郡 貢龍鬚蓆十 今岐州

新平郡 貢剪刀十具 蛇膽十斤 華豆澡 今邠州

安定郡 貢龍鬚蓆十 今涇州

彭原郡 貢五色龍鬚蓆十領 莞菁 菴藺 假蘇 荊芥 今寧州

汧陽郡 貢龍鬚蓆六 今隴州

中部郡 貢龍鬚蓆六 今方州

洛交郡 貢龍鬚蓆六 今邠州

朔方郡 貢白氊十領 今夏州

安化郡 貢麝香二十五 今慶州

靈武郡 貢鹿角膠 代赭 花苒從蓉 白鷗翎 今靈州

榆林郡 貢青鹿角兩具 徐長卿十斤 赤芍藥十斤 今勝州

延安郡 貢麝香三十 今延州

咸寧郡 貢麝香一顆 今川州

銀川郡 貢女稽布五 今銀州

平涼郡 貢九尺白氊十 今原州

九原郡 貢野馬勝皮二十一片 今豐州

會寧郡 貢駝毛褐兩 今會州

五原郡 貢鹽山四十 今鹽州

新秦郡 貢青地鹿角二具 今麟州

單于都護府 貢生野馬勝皮摠十二片

安北都護府 貢生野馬勝皮二十一片

太原府 貢銅鏡兩面 龍骨三十斤 甘草三十一斤 礬石三十斤 蒲萄粉屑 栢子仁

上黨郡 貢人參三百小兩 墨三挺 今潞州

河東郡 貢綾絹扇四面 龍骨二十斤 東八千顆 鳳栖梨三千五百顆 今蒲州

絳郡 貢梁穀二十石 墨千四百七十挺 白穀五百疋 梨三千顆 今絳州

平陽郡 貢蠟燭三十條 今晉州

西河郡 貢龍鬚席十領 石膏五十斤 消石五十斤 今汾州

弘農郡 貢麝香十顆 硯瓦十具 今虢州

高平郡 貢白石英五十小兩 人參三十兩 今澤州

太寧郡 貢胡女布五端 今隰州

昌化郡 貢胡女布五端 今石州

文城郡 貢蠟二百斤 今慈州

陽城郡 貢龍鬚席六領 今沁州

定襄郡 貢豺尾十枚 今忻州

樂平郡 貢人參三十兩 今儀州

鴈門郡 貢白鴈翎五具 熟青二十兩 熟綠二十兩 今代州

樓煩郡 貢麝香十顆 今嵐州

安邊郡 貢松子一石 今蔚州

馬邑郡 貢白鴈翎五具 今朔州

河南府 貢瓷器十五事

陝郡 貢栢子仁 瓜蒌根 各三十斤 今陝州

陳留郡 貢絹二十疋 今汴州

滎陽郡 貢絹二十疋 麻黃 二十斤 今鄭州

臨汝郡 貢絕二十疋 今汝州

睢陽郡 貢絹二十疋 今宋州

靈昌郡 貢綾二十疋 並 方文 今滑州

潁川郡 貢絹十疋 蔗心蓆 六領 今許州

譙郡 貢絹二十疋 今亳州

濮陽郡 貢絹二十疋 今濮州

濟陰郡 貢蛇床子二十斤 絹二十疋 今曹州

北海郡 貢棗兩石 仙文綾十疋 今青州

淮陽郡 貢絹十疋 今陳州

汝南郡 貢鶯鷺綾十疋 今豫州

東平郡 貢絹二十疋 今鄆州

淄川郡 貢防風五十斤 進理石五斤 今淄州

臨淄郡 貢絲葛十五疋 今齊州

魯郡 貢鏡花綾十疋 紫石英二十五兩 今兗州

彭城郡 貢絹二十疋 今徐州

臨淮郡 貢綿二十屯 貴布十疋 今泗州

汝陰郡 貢綿二十屯 今潁州

東海郡 貢楚布十疋 今海州

濟陽郡 貢阿膠二百小斤 鹿角膠三十小斤 今濟州

瑯琊郡 貢紫石英二十兩 今沂州

高密郡 貢黃布十端 牛黃一斤 海蛤二十兩 今密州

東牟郡 貢牛黃百二十八株 水葱蓆六領 今登州

范陽郡 貢綾二十疋 今幽州

河內郡 貢平紗十疋 今懷州

魏郡 貢白綿紬八疋 白平紬八疋 今魏州

汲郡 貢綿三百兩 今衛州

鄴郡 貢紗十疋 鳳翮蓆六領 胡粉百圓 今相州

廣平郡 貢平紬十疋 今洛州

清河郡 貢檀十領 今具州

信都郡 貢絹二十疋 綿二十屯 今冀州

平原郡 貢絹二十疋 今德州

饒陽郡 貢絹二十疋 今深州

河間郡 貢絹二十疋 今瀛州

東萊郡 貢牛黃百二十二兩 今萊州

景城郡 貢細篔四領 細柳箱八十合 糖蟹二十三坵 鱧鱖三百五十挺 今滄州

常山郡 貢梨六百顆 羅二十疋 今恒州

博陵郡

貢細綾千二百七十疋 兩窠細綾十五疋 獨窠綾二百五十五疋 獨窠綾十疋 今定州

趙郡

貢錦五十疋 今趙州

鉅鹿郡

貢絲布十疋 今邢州

博平郡

貢紬十疋 今博州

文安郡

貢綿三百兩 今莫州

上谷郡

貢里二百挺 今易州

樂安郡

貢絹十疋 今棣州

北平郡

貢蔓荆子四斤 今平州

密雲郡

貢人參五斤 今檀州

媯川郡

貢麝香十顆 今媯州

漁陽郡

貢鹿角膠十斤 今薊州

柳城郡

貢麝香十顆 今營州

歸德郡

貢林尾三枚 今燕州

安東都護府

貢人參五斤

武威郡

貢野馬皮五張 白小麥十石 今涼州

天水郡

貢龍鬚藤六領 芎藭四十斤 今秦州

安西都護府

貢礪砂五十斤 緋瓊五領

北庭都護府

貢陰牙角五隻 速藿角十隻 阿魏截根二十斤

交河郡

貢氍布十端 今西州

晉昌郡 貢草鼓子 野馬皮 黃礬
絳礬 胡桐淚 今瓜州

西平郡 貢特羊角十隻 今鄯州

隴西郡 貢麝香十顆 秦膠 今渭州

燉煌郡 貢碁子二十具 石膏 今沙州

酒泉郡 貢肉菴蓉二十斤 相脉三十 野馬皮兩張 今肅州

金城郡 貢麝香十顆 鼪鼯鼠六頭 今蘭州

安鄉郡 貢麝香二十顆 今河州

同谷郡 貢蠟燭十條 今成州

和政郡 貢龍鬚席六領並青黃色 今岷州

武都郡 貢蠟燭十條 蜜蠟 羚羊角 今武州

臨洮郡 貢麝香十顆 今兆州

懷道郡 貢麩金十兩 今宕州

寧塞郡 貢麩金六兩 大黃戎鹽 今鄯州

合川郡 貢麝香二十顆 今疊州

張掖郡 貢野馬皮十張 枸杞子六斗 葉二十斤 今甘州

伊吾郡 貢陰牙角五隻 胡桐淚二十五斤 今伊州

廣陵郡 貢潘客錦袍五十領 錦被五十張 半臂錦百 新加錦袍二百領 青銅鏡十面 莞蓆十

領 獨窠細綾十疋 蛇床子七斗 蛇床仁一 斗 鐵精一斤 兔絲子一斤 白芷子五斤

空青三兩 造水牛皮甲千領并袋 今揚州

安陸郡 貢青紵十五疋 今安州

弋陽郡 貢葛十疋 今光州 生石斛六十斤

義陽郡 貢葛十疋 今申州

廬江郡 貢絲布十疋 今廬州 石斛六十斤

蕪春郡 貢白苧布十疋 今蕪州 烏蛇脯

同安郡 貢蠟五十斤 今舒州 石斛六十斤

歷陽郡 貢麻布十疋 今和州

鍾離郡 貢絲布十疋 今濠州

壽春郡 貢絲布十疋 今壽州 生石斛五十斤

齊安郡 貢紫苧布十疋 今黃州 蠶虫二斤

淮陰郡 貢黃布十疋 今楚州

漢陽郡 貢麻黃布十疋 今沔州

江陵郡 貢白方文綾二十疋 橘皮九十斤 梔子五斤 貝母十斤 覆盆子三斤 石龍芮一斤 烏梅

肉十斤 今荊州

永陽郡 貢苧練布十五疋 今條州

襄陽郡 貢五盛碎石文庫路真二具 一十盛花庫路真二具 今襄州

南陽郡 貢絲布十疋 今鄧州

淮安郡 貢絹千疋 今唐州

上洛郡 貢麝香三十顆 今商州

安康郡 貢麩金五兩 乾漆六斤 杜仲二十斤 椒目 十斤 黃蘗六斤 枳實六斤 枳殼十四斤

茶芽一斤 椒子一石 雷丸五兩 今金州

武當郡 貢麝香二十顆 今均州

房陵郡 貢麝香二十顆 雷丸 石膏 蒼礬石 今房州

漢東郡 貢綾十疋 葛五疋 覆盆子 今隋州

南浦郡 貢金五兩 今萬州

豐陽郡 貢柑子四百顆 橘子七百顆 龜子綾十疋 恒山一斤 五入簾四領 蜀漆一斤 今豐州

雲安郡 貢蠟百斤 今夔州

竟陵郡 貢白苧布一端 今復州

武陵郡 貢紵練布十端 今朗州

夷陵郡 貢茶二百五十斤 柑子二千顆 五加皮二斤 杜若二斤 芒硝四十斤 鬼臼二斤 蠟百斤

今峽州

南賓郡 貢蘇薰蓆四領 綿紬五疋 今忠州

富水郡 貢白苧布十端 今郢州

巴東郡 貢蠟四十斤 今歸州

漢中郡 貢紅花百斤 胭脂一升 今梁州

通川郡 貢綿紬三疋 蜂香五斤 藥子二百顆 今通州

順政郡 貢蠟六十斤 今興州

巴川郡 貢牡丹皮十斤 藥子二百顆 今合州

清化郡 貢綿紬十疋 今巴州

洋川郡 貢白綾十疋 今洋州

河池郡 貢蠟百斤
今鳳州

益昌郡 貢絲布十疋
今利州

咸安郡 貢綿紬十疋
今蓬州

盛山郡 貢蠟四十斤 車前子一升
今開州

始寧郡 貢綿紬十疋
今璧州

南平郡 貢葛五疋
今渝州

符陽郡 貢蠟五十斤 藥子二百顆
今集州

潯山郡 貢綿紬十疋 買子木十斤子一升
今渠州

丹陽郡 貢方文綾七疋 水文綾八疋
今澗州

晉陵郡 貢細青苧布十疋
今常州

吳郡 貢絲葛十疋 白石脂三十斤 蛇床子三升 鮫魚腊五十頭 鮫魚腊七十升 魚五十頭 春子五升 嫩藕三百段

餘杭郡 貢白編綾十疋 橘子二千顆 蜜姜十石
今杭州

會稽郡 貢朱砂一十兩 白編綾十疋 交梭十疋 輕
今越州

餘姚郡 貢附子百枚
今明州

東陽郡 貢紙六千張 綿六百兩 葛粉二十石
今婺州

新定郡 貢交梭二十疋 竹簟一合
今睦州

信安郡 貢綿百屯 紙六千張
今衢州

吳興郡 貢苧布三十端
今湖州

臨海郡 貢鮫魚皮百張 乾薑百斤 乳柑六千顆 金
今台州

永嘉郡 貢鮫魚皮三十張
今温州

新安郡 貢芋布十五端 竹箬一合
今歙州

長樂郡 貢蕉二十疋 海蛤一升
今福州

清源郡 貢綿二百兩
今泉州

建安郡 貢蕉二十疋 練十疋
今建州

臨汀郡 貢蠟燭二十條
今汀州

漳浦郡 貢鮫魚皮二十張 甲香五斤
今漳州

潮陽郡 貢蕉十疋 蚶地膽十枚 鮫魚皮十張 甲香
五斤 石井 銀石 水馬 今潮州

宣城郡 貢白苧布十疋
今宣州

豫章郡 貢葛五十疋 柑子六千顆
今洪州

鄱陽郡 貢楚金十兩 篔簹一合
今饒州

長沙郡 貢葛十五疋
今潭州

南康郡 貢竹布二十疋
今虔州

零陵郡 貢葛十疋 石鷲二百顆
今永州

臨川郡 貢葛布十疋 箭箬百萬莖
今撫州

桂陽郡 貢白苧布十疋
今柳州

廬陵郡 貢白苧布二十端 陟厘十斤
今吉州

潯陽郡 貢葛十疋 生石斛十斤
今江州

江華郡 貢零陵香百斤 白布十端
今道州

衡陽郡 貢楚金十四兩
今衡州

江夏郡 貢銀五十兩
今鄂州

宜春郡 貢白苧布十疋
今袁州

巴陵郡 貢白苧布十疋
今岳州

邵陽郡 貢銀二十兩
今邵州

蜀郡 貢單絲羅二十疋 高苧衫段三十疋
今益州

唐安郡 貢羅二十疋
今蜀州

濛陽郡 貢交梭二十疋
今彭州

德陽郡 貢彌布十疋 紵布十疋
今漢州

通義郡 貢麩金八兩 柑子不限多少
今眉州

梓潼郡 貢綾十六疋
今梓州

巴西郡 貢雙紉二十疋
今綿州

普安郡 貢絲布十疋 蘇薰蓆六領
今劍州

閬中郡 貢重連續二十疋
今閬州

資陽郡 貢麩金七兩 柑子不限多少
今資州

臨邛郡 貢絲布十疋
今邛州

通化郡 貢麝香六十枚 齊香十枚 扇香十枚 麝香三十枚
今茂州

交川郡 貢麝香三十顆 當歸七斤 羌活五斤 野狐尾五枚
今松州

越雋郡 貢絲布十疋 進刀子靴六十枚
今雋州

南溪郡 貢葛十疋 六月進荔枝煎
今戎州

遂寧郡 貢樗蒲綾十五疋 乾天門冬百一十斤
今遂州

南京郡 貢絲布十疋 今果州

仁壽郡 貢細葛五疋 今陵州

捷為郡 貢楚金五兩 今嘉州

廬山郡 貢金 落鴈木 今雅州

瀘州郡 貢葛十疋 今瀘州

陽安郡 貢綿紬十疋 枰子不限多少 今簡州

安岳郡 貢葛十疋 天門冬煎四斗 今普州

洪源郡 貢蜀椒一石 今當州

陰平郡 貢麝香二十顆 白蜜一石 今文州

同昌郡 貢麝香十顆 今扶州

油江郡 貢楚金六兩 羚羊角六具 今龍州

臨翼郡 貢麝香三十四顆 犛牛尾五斤 當歸十斤 今翼州

歸城郡 貢麝香六顆 犛牛尾五斤 當歸二十斤 今悉州

靜川郡 貢麝香六顆 當歸十斤 羌活十斤 犛牛尾五斤 今靜州

恭化郡 貢麝香二十顆 當歸十斤 羌活十斤 今恭州

維川郡 貢麝香二十顆 犛牛尾十斤 今維州

和義郡 貢班布六疋 今榮州

雲山郡 貢麝香十顆 墨犛牛尾二斤 今秦州

蓬山郡 貢麝香十顆 當歸十斤 羌活十斤 今柘州

黔中郡 貢朱砂十斤 今黔州

盧溪郡 貢光明砂四斤 今辰州

靈溪郡 貢朱砂十斤 茶芽二百斤 今溪州

潭陽郡 貢楚金八兩 今巫州

盧陽郡 貢光明砂一斤 今錦州

清江郡 貢黃連十斤 蠟十斤 黃子二百顆 今施州

涪陵郡 貢連頭獠布十段 今涪州

寧夷郡 貢蠟五十斤 今思州

義泉郡 貢蠟燭十條 今夷州

龍溪郡 貢蠟二十斤 今業州

南川郡 貢布五端 今南州

南海郡 貢生沉香七十斤 甲香三十斤 石斛二十斤 龜皮三十斤 蚰蛇膽五枚 詹沉香二十五斤

藤簾二合 竹簾五領 今廣州

始安郡 貢銀百兩 今桂州

安南都護府 貢蕉十端 檳榔二千顆 魚皮二十張 蚰蛇膽二十枚 翠毛二百合

普寧郡 貢朱砂二十斤 水銀二十斤 今容州

始興郡 貢鍾乳二十四斤 十二兩二分 竹子布十五疋 石斛二十斤 今韶州

臨賀郡 貢銀三十兩 今賀州

連山郡 貢縹布十疋 鍾乳十兩 今連州

高要郡 貢銀二十兩 今端州

平樂郡 貢銀二十兩 今昭州

新興郡 貢銀五十兩 蕉五疋

南潘郡 貢銀二十兩

陵水郡 貢銀二十兩

高京郡 貢銀二十兩 蚺蛇膽二枚

海康郡 貢絲電四疋

臨江郡 貢銀二十兩

潯江郡 貢銀二十兩

蒙山郡 貢麩金十兩

開江郡 貢班布五端

脩德郡 貢銀二十兩

臨封郡 貢銀二十兩 石組四十小斤

南陵郡 貢銀二十兩 石斛二十小斤

招義郡 貢銀二十兩

日南郡 貢象牙二根 犀角四根 沉香二十斤 金簿

定川郡 貢銀二十兩

懷德郡 貢銀二十兩

寧浦郡 貢銀二十兩

象郡 貢銀二十兩

開陽郡 貢石斛三斤 銀二十兩

感義郡 貢銀二十兩

平琴郡 貢銀二十兩
今平琴州

合浦郡 貢銀二十兩
今廉州

連城郡 貢銀二十兩
今義州

玉山郡 貢玳瑁二具 龜皮六十斤 翠毛三百合
甲香二斤 今睦州

寧仁郡 貢銀二十兩
今黨州

懷澤郡 貢細白苧布十端
今貴州

龍城郡 貢銀二十兩
今柳州

同陵郡 貢石斛二十斤 銀二十兩
今勸州

海豐郡 貢五色藤鏡匣一具 蟬蛇膽三枚 甲煎一兩
鯁魚皮三 釜臺一 今循州

晉康郡 貢銀二十兩
今康州

恩平郡 貢銀二十兩
今恩州

朱崖郡 貢銀二十兩 真珠二斤 玳瑁一具
今崖州

萬安郡 貢銀二十兩
今萬安州

延德郡 貢藤盤
今振州

通典卷第七

食貨七

歷代盛衰戶口

丁中

歷代盛衰戶口

周 漢

後漢

魏

宋

齊

後魏

三皇以前尚矣靡可得而詳也孔子稱堯曰大哉舜曰盡善禹曰無間以三聖之德地方不過數千里故君臣歌德含氣之類各得其宜禹平水土為九州人口千三百五十五萬三千九百二十三塗山之會諸侯承唐虞之盛執玉帛者萬國男女耕織不奪其時故公家有三十年之積私家有九年之儲及其衰也棄稷不務續有二窮孔甲之亂遭桀行暴諸侯相兼逮湯受命其能存者三千餘國方於塗山十損其七其

後紂作淫虐厚賦以實鹿臺大斂以積鉅橋人庶苦而無慘
天下去之○周武王致商之罪罔有敵于我師一戎衣天下
大定垂拱而天下治定五等之封凡千七百七十三國又滅
湯時千三百國人衆之損亦如之周公相成王致理刑措人
口千三百七十萬四千九百二十三此周之極盛也及昭王
南征不還穆王荒耄加以幽厲之亂平王東遷三十餘年莊
王十三年齊桓公二年五千里外非天子之御自太子公侯
以下至于庶人凡千一百八十四萬一千九百二十三人其
後諸侯相并尚有千二百國春秋二百四十二年之中弑君
三十六亡國五十二諸侯更相征伐奔走不保社稷者不可

勝數齊桓救其難孔子定其文至于戰國存者十餘於是縱
橫短長之說相奪於殘人詐力之兵動以萬計伊闕之敗斬
首二十四萬長平之戰血流漂鹵周之列國唯秦楚燕而已
齊及三晉皆以篡亂衛雖得存不絕如綫音線然考蘇張之說
計秦及山東六國戎卒尚踰五百餘萬推人口數尚當千餘
萬秦兼諸侯所殺三分居一猶以餘力北築長城四十餘萬
南戍五嶺五十餘萬阿房驪山七十萬三十年間百姓死沒
相踵于路陳項又肆其酷烈新安之坑二十餘萬彭城之戰
睢水不流○漢高帝定天下人之死傷亦數百萬是以平城
之卒不過三十萬方之六國十分無三孝文偃武修文與人

休息嘗欲作露臺召工計之直百金曰百金中人十家之產
 吾奉先帝宮室恐羞之乃止孝景承平賦役減省三十而稅
 一人人自愛每有詔命頒下鄉閭垂白戴老扶疾策杖以聽
 之思一見太平至武帝元狩中六十餘年人衆大增大倉之
 粟紅腐而不食都內之錢貫朽而不校孝武帝乘其資穡乃
 厲兵馬以攘戎狄廓地遐廣征伐不休十數年間天下之衆
 亦減半矣末年追悔故下哀痛之詔封丞相富人侯昭宣之
 後罷戰務農戶口漸益元帝時貢禹上書曰古者宮女不過
 九人秣馬不過八疋高祖孝文孝景
 皇帝修古節儉宮女不過十餘廐馬不過百餘疋故特齊王
 服官輸物不過十萬方今齊王服官作工各數千人歲費數
 鉅萬蜀廣漢主金銀器歲各用五百萬三工官官費五千萬
 織室亦然廐馬食粟將萬疋百姓重困請從省儉帝多采納

之至孝平元始二年人戶千二百二十三萬三千口五千九
 百五十九萬四千九百七十八此漢之極盛也及王莽篡位
 續以更始赤眉之亂率土遺黎十纔二三○後漢光武建武
 中兵革漸息至中元二年戶四百二十七萬六百三十四口
 二千一百萬七千八百二十明章之後天下無事務在養民
 至于孝和人戶滋殖桓帝永壽三年戶千六十七萬七千九
 百六十口五千六百四十八萬六千八百五十六靈帝遭黃
 巾為寇獻帝遇董卓稱亂大焚宮廟劫御西遷是以興平建
 安之際海內荒殘人戶所存十無一二○魏武據中原劉備
 割巴蜀孫權盡有江東之地三國鼎立戰爭不息劉備章武
 元年有戶

二十萬男女 及平蜀得戶二十八萬口九十四萬帶甲將士

十萬二千吏四萬通計戶九十四萬三千四百二十三口五

百三十七萬二千八百八十一除平蜀所得當時魏氏唯有

戶六十六萬三千四百二十三口有四百四十三萬二千八

百八十一 孫權赤烏三年有戶五十萬 ○晉武帝太康元年平

吳收其圖籍戶五十三萬吏三萬二千兵二十三萬男女口

二百三十萬後宮五千餘人九州攸同大抵編戶二百四十

五萬九千八百四口千六百一十六萬三千八百六十三此

晉之極盛也 蜀劉禪炎興元年則魏常道鄉公景元四年歲

庚子凡一十八年戶增九十八萬六千三百八十一口增八

百四十九萬九千八百八十二則當三國鼎峙之時天下通計戶

百四十七萬三千四百三十三口七百六十七萬二千八百

八十一以奉三主斯以勤矣後趙石勒據有河北初文武官

上疏請依劉備在蜀魏王在鄴故事魏王即曹公以河內魏

汲等十二郡并前趙國合二十四戶二十九萬為趙國前秦

符堅滅前燕慕容暉入鄴閱其名籍戶二百四十五萬八千

九百六十九口九千九百九十八萬七千九百三十五徒關

東豪傑及諸雜夷十萬口于關中平燕定蜀之稱偽代之盛

也時關隴清晏百姓豐樂自長安至於諸州二十里一亭四

十里一旅行者取給 ○宋武帝北取南燕平廣固 南燕慕容

於途工商資販於道 後秦 長河以南盡為宋有帝素節儉

有司嘗奏東西堂施局脚牀用銀塗釘帝以為費使用直脚

牀釘用鐵公主出適遣送不過二十萬無錦繡金玉之費文

帝勵精臨人江左數代帝王莫及所以稱元嘉之理比前漢

之文景焉既而國富兵彊更務經畧元嘉二十七年後魏主

通五卷二

大武帝以數十萬衆南伐河上屯戍相次覆敗魏師至瓜步而還宋之財力自此衰耗今按本史孝武大明八年戶九十九萬六千八百七十口四百六十八萬五千五百一〇齊氏六王年代短促其戶口未詳○梁武之初亦稱爲理及精華耗竭貪地邀功侯景逆亂竟以幽斃元帝慘虐骨肉相殘纔及三年便至覆滅墳籍亦同灰燼戶口不能詳究○陳武帝荆州之西旣非我有淮肥之內力不能加宣帝勤恤人隱時稱令主閱其本史戶六十萬而末年窮兵黷武遠事經略吳明徹全軍隻輪不返銳卒利器從此殲焉至後主滅亡之時隋家所收戶五十萬口二百萬○後魏起自陰山盡有中夏孝

文遷都河洛定禮崇儒明帝正光以前時惟全盛戶口之數

比夫晉太康倍而餘矣

按晉武帝太康元年平吳後大凡戶

一十六萬三千八百六十三今云倍而餘者是其盛時則戶有至五百餘萬矣

及爾宋之亂政移臣

下或廢或立甚於奕碁遂分爲東西二國皆權臣擅命戰爭

不息人戶流離官司文簿又多散棄今按舊史戶三百三十

七萬五千三百六十八

其時以征伐不息唯河北三數大郡多千戶以下復通斷附之郡小者戶

纔二十口百而已

○北齊承魏末喪亂與周人抗衡雖開拓淮南而

郡縣褊小文宣受禪性多暴虐而能委政宰輔楊遵彥十數

年間亦稱爲理故其時以爲主昏於上政清於下及武成後

主俱是僻王至崇

國諱改之

化二年爲周師所滅有戶三百三萬

二千五百二十八口二千萬六千八百八十○後周閔明二

帝主祭而已俱以弑崩武帝誅戮權臣誅字方覽庶政躬儉

節用考覈名實五六年內平蕩燕齊滅高嗣子昏虐亡不旋

踵按大象中有戶三百五十九萬口九百萬九千六百四○

隋文帝始以外戚遂受託孤不踰數年便享大位克勤理道

克儉資費至於六宮之內常服浣濯之衣供御故弊隨令補

用非享燕所食不過一肉有司嘗進乾薑用布袋盛帝以為

費大加譴責後進香藥復以氈袋盛因答所司以為後誠其

時宇內稱理倉庫盈溢至開皇九年平陳帝親於朱雀門勞

師行賞自門外列布帛之積圍於南郭以次頒給所費三百

餘萬段而不加賦於人煬帝大業二年戶八百九十萬七千

五百三十六口四千六百一萬九千九百五十六此隋之極

盛也後周靜帝未授隋禪有戶三百九十九萬九千六百四

至開皇九年平陳得戶五十萬及是纔二十六七年直

增四百八十萬七千九百三十二承其全實遂恣荒淫登極之初即建洛邑

每月役丁二百萬人導洛至河及淮又引沁水達河北通涿

郡築長城東西千餘里皆徵百萬餘人丁男不克以婦人兼

役而死者大半及親征吐谷渾駐軍青海遇雨雪士卒死者

十二三又三駕東征遼澤皆興百餘萬衆餽運者倍之又逆

徵數年之賦窮侈極奢舉天下之人十分九為盜賊身喪國

滅實自取之蓋資我唐之速有天下也○大唐貞觀戶不滿

三百萬三年戶部奏中國人因塞外來歸及突厥前後降附
開四夷爲州縣獲男女一百二十餘萬口十四年侯君集破
高昌得三郡五縣二十二城戶八千四十六口萬七千三十
一馬千三百疋永徽元年戶部尚書高履行奏去年進戶一
十五萬高宗以天下進戶旣多謂無忌曰比來國家無事戶
口稍多三二十年足堪敷實因問隋有幾戶今有幾戶履行
奏隋大業中戶八百七十萬今戶三百八十萬永徽去大業
末三十六年
顯慶二年十月上幸許汝州問中書令杜正倫曰此間田地
極寬百姓太少因又問隋有幾戶正倫奏大業初有八百餘
萬戶末年離亂至武德有二百餘萬戶總章元年十月司空

李勣破高麗國虜其王下城百七十戶六十九萬七千二百
配江淮以南山南京西初自貞觀以後太宗勵精爲理至八
年九年頻至豐稔米斗四五錢馬牛布野外戶動則數月不
閉至十五年米每斗直兩錢麟德三年米每斗直五文永淳
元年京師大雨饑荒米每斗四百錢加以疾疫死者甚衆武
太后孝和朝太平公主武三思悖逆庶人恣情奢縱造罔極
寺太平觀香山寺昭成寺遂使農功虛費府庫空竭矣睿宗
景雲初又造金仙玉貞二觀補闕辛替否上書極諫不從二
年監察御史韓琬陳時政上疏曰臣竊聞永淳之初尹元貞
任陝州雍縣令界內婦人修路御史彈免之頃年婦人後修

平道路蓋其常也調路之際劉憲任懷州河內縣尉父思立
在京身亡選人有通素闕者于時選司以名教所不容頃者
以爲見譏後人矣頃年國家和市所由以刻剝爲公雖以和
市爲名而實抑奪其價殊不知民足官孰與不足矣往年兩
京及天下州縣學生佐史里正坊正每一員闕先擬者輒十
人頃年差人以克猶致亡逸往年選司從容安閑而以禮數
見待頃年選司無復曩時接引但如仇敵估道爾往年效官
交替者必儲蓄什物以待之頃年替人必誼競爲隙互執省
符紛然不已往年召募之徒人百其勇爭以自效頃年差黠
勒遣逃亡相繼若此者臣粗言之不可勝數卽知政令風化

漸已弊也開元四年山東諸州大蝗紫微令姚崇奏言臣聞
毛詩云秉彼蠹賊以付炎火又漢光武詔曰勉順時政勸督
農桑去彼螟蟻以及蠹賊此並除蝗之義也又蝗旣解飛夜
必投火臣請切勒所在夜中設火火邊掘大坑且焚且瘞除
之可盡乃遣使分道驅除瘞埋朝臣多言不可玄宗以問崇
崇對曰常人執文不識通變凡事有違經合道而適權者魏
時山東有蝗傷稼緣小恐不除遂使苗稼摠盡人至相食後
秦時有蝗禾稼及木草俱盡牛馬至相噉毛尾今山東蝗蟲
所在充滿儻不救其收穫百姓未免流離事屬安危不可膠
柱縱使除之不盡猶勝養以成災若驅逐不得臣在身官爵

並請削除玄宗許之黃門監盧懷慎謂崇曰蝗是天災豈可制以人事外議籍籍咸以為殺蝗太多和氣有傷猶可停罷崇曰楚王吞蛭厥疾用瘳叔敖斷蛇其福乃降趙宣子至賢也恨用其犬孔宣父將聖也不愛其羊皆志在安人思不失禮今既救人殺虫天道固應助順若因此致禍崇請以身當之懷慎更不能答崇令埋瘞之累月方盡其後漸豐熟八年天下戶口逃亡色役偽濫朝廷深以為患九年正月監察御史宇文融陳便宜奏請檢察偽濫兼逃戶及籍外贍田於是令融克使推勾獲偽勳及諸色役其衆特加朝散大夫再遷兵部員外兼侍御史融遂奏置勸農判官長安尉裴寬等二

十九人並攝御史分往天下

慕容珣王承張均宋希玉宋珣韋治薛岳喬夢松王誘徐楚璧

徐鏐裴寬岑希逸邊仲寂班景倩郭廷倩元將茂劉白正王燾于儒卿王忠翼何千里梁勳盧怡庫狄履温賈晉李登成廙等皆知名士判官得人所在檢責田疇招携戶口其新附

於此為盛其後多至顯秩
客戶則免其六年賦調但輕稅入官陽翟縣尉皇甫憬左拾遺楊相如並上疏盛陳煩擾不便寬等皆當時才彥使還得戶八十餘萬田亦稱是憬遂貶為衢州盈川尉融拜御史中丞融又上言天下所檢責客戶除兩州計會歸本貫以外便令所在編附年限向滿須准居人更合所有優矜即此輩徼幸若徵課稅即日擊不堪竊料天下諸州不可一例處置且請從寬鄉有贍田州作法竊計有贍田者減三四十州取其

賸田通融支給其賸地者三分請取其一分以下其浮戶請任其親戚鄉里相就每十戶以上共作一坊每戶給五畝充宅并爲造一兩口室宇開巷陌立閭伍種桑棗築園蔬使緩急相助親鄰不失丁別量給五十畝以上爲私田任其自營種率十丁於近坊更共給一頃以爲公田共令營種每丁一月後功三日計十丁一年共得三百六十日營公田一頃不營得之計平收一年不減百石便納隨近州縣除役功三十六日外更無租稅既是營田戶且免征行安堵有餘必不流散官司每丁納收十石其粟更不別支用每至不熟年斗別二十價然後支用計一丁年還出兩丁以上亦與正課不

殊則官收其役不爲矜縱人緩其稅又得安舒倉廩日殷久長爲便其狹鄉無賸地客多者雖此法未該准式許移窄就寬不必要湏留住若寬鄉安置得所人皆悅慕則三兩年後皆可改圖棄地盡作公田狹鄉總移寬處倉儲旣益水旱無憂矣至十三年封太山米斗至十三文青齊穀斗至五文自後天下無貴物兩京米斗不至二十文麩三十二文絹一疋二百一十二文東至宋汴西至岐州夾路列店肆待客酒饌豐溢每店皆有驢賃客乘倏忽數十里謂之驛驢南詣荆襄北至太原范陽西至蜀川涼府皆有店肆以提供商旅遠適數千里不持寸刃二十年戶七百八十六萬一千二百三十六

口四千五百四十三萬一千二百六十五天寶元年戶八百三十四萬八千三百九十五口四千五百三十一萬一千二百七十二自十三載以後安祿山為范陽節度多有進奉駝馬生口不曠旬月郡縣供熟食酒肉草料楊國忠任用之後即與蠻王閣羅鳳結釁徵關輔河南京兆人討之去者萬不一全連枷赴後郡縣供食於是當路店肆多藏閉以懼撓亂驢馬車牛悉被虜奪不酬其直數年間因漸減耗十三載京城秋霖米價騰貴官出太倉米分為十場出糶其所在川谷泛溢京城坊市墻宇崩壞向盡東京灑洛又溢隄壞飄損十九坊居人邑屋二十日遣京城諸坊人家於門前作泥人長

三尺左手指天右手指地十月方霽十四載管戶總八百九

十一萬四千七百九應不課戶三百五十六萬五千五百一十一

管口總五千二百九十一萬九千三百九不課口四千四百

八課口八百二十萬此國家之極盛也按後漢自建武初至

三十年有戶千六十七萬按自周武帝建德六年平齊至隋

文帝開皇九年滅陳凡十四年然後車書混一甲兵方息至

大業二年凡十八年有戶八百九十萬我國家自武德初至

天寶末凡百三十八年可以比崇漢室而人戶纔比於隋氏

蓋有司不以經國馭遠為意法令不行所在隱漏之甚也肅

宗乾元三年見到帳百六十九州應管戶總百九十三萬三

千一百三十四不課戶總百一十七萬四千五百九十二課

戶七十五萬八千五百八十二管口總千六百九十九萬三

百八十六不課口千四百六十一萬九千五百八十七課口

二百三十七萬七千九百九十四自天寶十四年至乾元三年損

戶總五百九十八萬二千五百八十四不課戶損二百三十

九萬一千九百九課戶損三百五十九萬六百七十五損口

總三千五百九十二萬八千七百二十三不課口損三千七百七十二萬三百一課口損五百二十一萬八千四百三十二戶至大曆中唯有百二十萬戶建中初命黜陟使往諸道按比戶口約都得土戶百八十餘萬客戶百三十餘萬

丁中

漢孝景二年令天下男子年二十而始傳傳音附傳著也著名籍給公家徭役

○晉武帝平吳後有司奏男子年十六以上至六十為正丁十五以下至十三六十以上至六十五為次丁十二以下十六以上為老小不事○宋孝武大明中王敬弘上言舊制人年十二半役十六全役當以十三以上能自營私及公故以充役考之見事猶或未盡體有彊弱不皆稱耳循吏恤隱可無甚患庸愚守宰必有勤劇况值苛政豈可稱言至今逃

竄求免胎孕不育乃避罪憲實亦由此今皇化惟新四方無事役名之宜應存消息十五至十六且為半丁十七為全丁帝從之○北齊武成清河三年乃令男子十八以上六十五以下為丁十六以上十七以下為中六十六以上為老十五以下為小○隋文帝頒新令男女三歲以下為黃十歲以下為小十七以下為中十八以上為丁以從課役六十為老乃免開皇三年乃令人以二十一成丁煬帝即位戶口益多男子以二十二成丁高頴奏以人間課稅雖有定分年常徵納除注恒多長吏肆情文帳出沒既無定簿難以推校乃為輸籍之樣請徧下諸州每年正月五日縣令巡人各隨近五黨

三黨共爲一團依樣定戶上下帝從之自是奸無所容矣○
大唐武德七年定令男女始生爲黃四歲爲小十六爲中二
十一爲丁六十爲老神龍元年韋皇后求媚於人上表請天
下百姓年二十二成丁五十八免役制從之韋庶人誅後復
舊玄宗天寶三載十二月制自今以後百姓宜以十八以上
爲中男二十三以上成丁按開元二十五年戶令云諸戶主
皆以家長爲之戶內有課口者爲課戶無課口者爲不課戶
諸視流內九品以上官及男年二十以上老男廢疾妻妾部
曲客女奴婢皆爲不課戶無夫者爲寡妻妾餘准舊令諸年
八十及篤疾給侍一人九十二人百歲五人皆先盡子孫聽

取先親皆先輕色無近親外取白丁者人取家內中男者并
聽諸以子孫繼絕應拆戶者非年十八以上不得拆卽所繼
處有母在雖小亦聽拆出諸戶欲拆出口爲戶及首附口爲
戶者非成丁皆不合拆應分者不用此令諸戶計年將入丁
老疾應徵免課役及給侍者皆縣令貌形狀以爲定簿一定
以後不須更貌若有奸欺者聽隨事貌定以附于實九年制
天下雖三載定戶每載亦有團貌自今以後計其轉年合入
中男成丁五十者任追團貌廣德元年制天下百姓二十五成丁五十五老論曰昔
賢云倉廩實知禮節衣食足知榮辱夫子適衛冉子僕曰美
哉庶矣旣庶矣又何加焉曰富之旣富矣又何加焉曰教之

固知國足則政康家足則教從反是而理者未之有也夫家足不在於逃稅國足不在於重斂若逃稅則不土著而人貧

重斂則多養羸而國貧不其然矣管子曰以正戶籍謂之養羸羸者大賈蓄家也正數

之戶既避其賦役則至浮浪以大賈蓄家之所後屬自收其利也三王以前井田定賦秦革

周制漢因秦法魏晉以降名數雖繁亦有良規不救時弊昔

東晉之宅江南也慕容符姚迭居中土人無定本傷理為深

遂有庚戌土斷之令財豐俗阜實由於茲其後法制廢弛舊

弊復起義熙之際重舉而行已然之效著在前志隋受周禪

得戶三百六十萬開皇九年平陳又收戶五十萬洎于大業

二年干戈不用唯十八載有戶八百九十萬矣自平陳後又加四百八十

餘萬其時承西魏喪亂周齊分據暴君慢吏賦重役勤人不堪

命多依豪室禁網隳紊姦偽尤滋高頰覩流冗之病建輸籍

之法於是定其名輕其數使人知為浮客被疆家收太半之

賦為編疇奉公上蒙輕減之征浮客謂避公稅依強豪作佃家也昔漢文三年除人田租

荀悅論曰古者什一而稅天下之中正漢家或百而稅一可謂至輕矣而豪強占田踰多浮客輸大半之賦公家之惠優

於三代豪強之暴酷於亡秦是惠不下通威福分于豪人也

不正其本適足以資富強矣高頰設輕稅之法浮客悉自歸於編戶隋代之

盛實由於此先敷其信後行其令丞庶懷惠姦無所容隋

氏資儲遍於天下人俗康阜頰之力焉功規蕭葛道亞伊呂

近代以來未之有也隋氏西京大倉東京合嘉倉洛口倉華州永豐倉陝州太原倉儲米粟多者千

萬石少者不減數百萬石天下義倉又皆充滿京都及并州庫布帛各數千萬而錫資勲庸并出豐厚亦魏晉以降之未

有國家貞觀中有戶三百萬至天寶末百三十餘年纔如隋氏之數聖唐之盛邁於西漢約計天下編戶合踰元始之間而名籍所少三百餘萬自貞觀以後加五百九十萬其時天兵人戶減半末年追悔方息征伐其後至平帝元始二年七十餘載有戶千二百二十餘萬唐百三十餘年中雖時起兵戎都不至減耗而浮浪日衆版圖不收若此量漢時實合有加數約計天下人戶少猶可有千三四百萬矣直以選賢授任多在藝文才與職乖法因事弊隳循名責實之義闕考言詢事之道崇佚之所至美價之所歸不無輕薄之曹浮華之伍習程典親簿領謂之淺俗務根本去枝葉因以迂闊風流相尚奔競相驅職事委於羣胥貨賄行於公府而至

此也自建中初天下編戶百三十萬賴分命黜陟重為案比

收入公稅增倍而餘

諸道加出百八十萬共得三百二十萬

遂令賦有常規人

知定制貪冒之吏莫得生奸狡猾之吐皆被其籍誠適時之

令典拯弊之良圖

舊制百姓供公上計丁定庸調及租其稅戶雖兼出王公以下比之二三十分唯

耳自兵興以後經費不完於是徵歛多名且無恒數貪吏橫恣因緣為奸法令莫得檢制烝庶不知告訴其丁狡猾者即多規避或假名入任或託迹為僧或古募軍伍或依信豪族兼諸色役萬端蠲除純劣者即被徵輸困竭日甚建中新今並入兩稅恒額既立加益莫由浮浪悉收規避無所而使臣制置各殊或有輕重未一仍屬多故兵革荐興浮冗之輩今則衆矣徵輸之數亦以闕

矣舊額既在見人漸艱詳今日之宜酌晉隋故事版圖可增

其倍征繕自減其半賦既均一人知稅輕免流離之患益農

桑之業安人濟用莫過於斯矣

計諸道簿帳所收可有二百五十餘萬戶按歷代戶口多

不過五少不減三約計天下除有兵馬多處食鹽是知見在
之數者採晉隋舊典制置可得五百萬矣以五百萬戶共出
二百五十萬戶稅自然各減半數古之爲理也在於周知人數乃均其事役
則庶功以興國富家足教從化被風齊俗和夫然故災沴不
生悖亂不起所以周官有比閭族黨州鄉縣遂之制維持其
政綱紀其人孟冬司徒獻民數于王王拜而受之其敬之守
之如此之重也及理道乖方版圖脫漏人如鳥獸飛走莫制
家以之乏國以之貧紆冗漸興傾覆不悟斯政之大者遠者
將求理平之道非其本歟

通典卷第七

